

貴人松滋王妃皇親王國璽妃及諸臣妻女不下百  
五十人又莫承爵齊環王盛隆姜成德等諸臣之妻  
赴死尤烈其陸行諸臣岷王朱蘊全姜世德馬九功  
潘世榮危存禮向鼎忠溫如珍劉九學等亦就義而  
永亂時以病卒者潘琪齊環米仲王偉瑞昌王劉蓋  
忠徐鳳蕭并內臣數人其諸臣子女之死者不及悉  
記也吁酷矣

也是錄終

求野錄

客溪樵隱編

永曆十二年戊正月詔以原督師兵部尚書程源為禮  
部尚書都御史錢邦芑掌院事 賜故輔臣吳毓貞范  
鏞等贈卹

鏞總督雲貴駐劄黔省時孫可望西使李定國一使  
白文選將兵赴黔與鏞盟共申倡義扶明之約鏞因  
從容為定國文選開陳大義且曰萬一可望渝盟奈  
何定國曰可望扶明我則奉之若其渝盟我則殺之  
無難也迨後帝蹕安龍可望強橫自恣無人臣禮

選燕見鑛有慙色邦芑巡撫四川時文選與忠國公  
王祥盟于烏江邦芑為執牛耳後可望襲遵義王祥  
走死文選恪邦芑亦汗愧不能仰視邦芑曰非公賣  
國乃他人賣公耳因特開燕言帝在安龍主辱臣死  
兩人泣數行下也于是文選對邦芑折箭自誓必殺  
可望會定國自粵西入安龍擁帝而南居間調護文  
選之力居多可望疑其有陰謀奪其兵柄幽之別室  
而鑛已憤卒莫有為之解者可望曾程源為兵部尚  
書時邦芑為僧矣亦傳之至授詹事府正詹兩人遂  
密連行在舊臣皆交歡可望鎮將此輩樸魯武人酒

酣耳熱輒恚可望罵曰剝一張賊皮又生一張賊皮  
耶源又乘間言于可望文選驍勇可用使功莫如使  
過文選以得還兵權追交水戰勝文選馬寶雖為功  
首而開導于平日與離間逆黨奮發忠義於臨時鑛  
源邦芑其功咸不可泯至是帝皆旌之時馬吉翔用  
事頗忌源芑之來源功名自許入朝即發吉翔奸狀  
吉翔嗾言者劾源曾臣事可望非純臣源發憤杜門  
不視事芑雖掌憲而督理晉王李定國之軍事者為  
金維新秩五都史御位在芑上以故都御史待命閣  
下不發芑亦鬱鬱浮沉朝請而已毓貞與吉翔伏死

鑛亦非吉翔所善贈郵皆不到望公論惜之

六月清師取湖南入武靖沅辰遂至貴陽安順巡撫冷  
益能死之

於是粵西之南太四川之川南川東皆失自可望敗  
走朝廷論功行賞諺官設吏率皆宴飲恬愉爭功修  
怨絕不以國事為念部官二人一名金簡字禹藏人  
姓名馬次第進諫謂內患雖除外憂方棘伺我者  
歌于漏舟熟睡于積薪之上能旦夕否乎二王老于  
兵事者也胡亦泄泄如是定國疑其劾已遽于帝前

激切陳訴帝擬杖二臣以謝之朝士交論共執不可  
移時未決失陷之報踵之定國始遂巡引謝二臣乃  
得免

四月蜀王劉文秀薨

文秀之追可望至貴陽也盡收其潰兵可三萬人練  
以脩邊漸有成局矣而晉王不悅請召之還并召諸  
將之在邊者與從可望之南犯者論功罪為分兵多  
寡之地是以邊警猝至兵失其將將不得兵屯于大  
清文秀先以正月還滇柳鬱不自得每屏人語曰退  
狼進虎晉王必敗國事病草上遺表曰我怯敵國事

史記

可預知臣精兵三萬人皆在秦雅建越之間嘗害  
二十萬臣將却承裔知之臣死之後若有倉猝臣妻  
操盤臣以待臣子御羈約以備督御請駕幸蜀以十  
三家之兵出營陝洛庶幾轉敗為功也乃薨晉王患  
之

七月晉王李定國秉黃鉞出師

令李承爵出左路壁黃草堪祁三昇出中路壁雞公  
背白文選出右路壁遵義之孫界堪自三方告急屢  
促定國師期報云有待蓋墮妖人賈自明之惑也自  
明善幻術多大言言上帝助兵當以某日下為木偶

人數百皆長文許執幡幢為行陣久而無驗時已初  
秋矣定國怒而斬之而諱其事乃出兵帝授以黃鉞  
凡古命將之禮無不備先由中路出關嶺後李承爵  
告急乃移師黃草堪有以兵事諫者曰守石關一失  
之力能制勝久之踰石關營於遮炎河祁三昇壁雞  
公背之絕頂糧少運艱士不宿飽孫界堪孤懸滇蜀  
之表聲援不及識者供以為憂  
十月晉王李定國告遮炎河之捷  
十二月晉王李定國兵潰於遮炎河  
於是雞公背孫界堪之師俱大潰

十五日帝出奔

李定國與清師戰於遮炎河之右小勝遂不設備清師驟至壓其營而壘明日決戰南兵鎗砲壯兵乃矢日中不決忽大風北來金鎗失火其他山茅野草烟焰障天北兵乘風馳射定國驚懼棄衆先奔遂大清十二日變服還滇請帝出幸言戰守計者以為書生不足聽也十四日帝大集諸臣共議所之蜀王劉文秀之將陳建等舉文秀遺表請幸蜀定國曰叢爾建昌何當十萬人之至不如南走緩出粵西急入交趾難之者曰清兵乘勝踰黃草堪則臨沅廣南道路

中斷且喪敗之後焉能整兵以迎方張之勢不可黔國公沐天波進議曰自迤西達緬甸其地糧糗可資出邊則荒遠無際無一追勢稍緩據大理兩關之險猶不失為蒙段也帝可其議明日駕遂發滇官兵男婦馬步從者數十萬人從古乘輿奔播未有若此之衆者特定國以重兵殿後國勢既搖人心思叛父能奇之子承業糾狄三聘等教人以驍卒千餘伏大寺中謀劫定國而北定國覘者知其謀以告十八日捕特定國遽率兵千人嚴隊西走承業等不敢追

永曆十年三

紀正月初四日帝至永昌

帝發滇時百官護從軍民泣隨者日行不過三十里其後兵士乏食恣取民間以至所在逃避御前供頓摠置而庶僚貧病危殍離次不前者甚眾崎嶇過大理而定國亦至明日帝行定國請堅守大理許之后數日白文選以孫界堪南潰之兵至列陣下閱衆尚萬餘定國以數百騎赴之文選憤涕叱定國曰人主以全國全師畀王一且至此誰執其咎定國慚南向叩首曰帝幸赦臣謂文選曰上既赦我願身一死以贖前罪文選收涕謝曰王許殺人死敵何益王行矣定國遂行又數日清師平西王吳三桂追文選及之

戰於下關又戰於丁當山文選敗南走入山

晉王李定國敗績於磨盤其軍走清師引還

先是定國聞文選敗遂渡潞江即古怒江至磨盤山下即古

羅派山臺諸將他趨者皆會勝兵萬人因設三伏以

待之以秦安伯竇民望為初伏廣昌侯高文貴為上

伏摠兵王國為三伏令曰須敵至三伏舉礮首尾橫

擊之清師至山下得降者盧桂生言其計清師乃釋

馬而步機伏者望蒼莽叢積中失礮兩發民望不得

已舉礮出戰三伏亦發礮趨下救之戰于山上短兵

相接自卯迄午僵屍堵壘民望血戰不已中流矢死

南兵氣沮猶據險而守及聞定國走將士失望半夜  
散去定國當日生山朝上聞信砲失序大驚曰兵敗  
矣遂先走既踰險問帝安在知者曰帝西行去去騰  
越已百里路界茶山緬甸之間定國曰我焉從從澤  
而追者及之君臣俱死無益也姑他往以圖再舉遂  
棄帝而奔二十四日帝南行尚未知磨盤之潰野次  
未定而提兵楊武至言定國遠逃追者將及帝遂接  
浙而行特漸昏黑行數里失道迷大谷中時距故處  
僅一望耳宮人竄失公私囊橐多為楊武劫奪  
二十五日扈將孫崇雅叛劫擄殺害尤烈

二十八日扈衛新統武引其眾叛去

帝以從臣多叛決意入緬遂出鉄壁關外即緬地  
矣緬酋使使之自稱於國也曰金樓白象王蓋處則  
樓居出則乘象足不履地也進表天朝則稱緬甸宣  
慰司使臣集國人稱之則曰某某法此言公道主人  
也至是奉迎其表如常儀復奏曰天王遠臨百蠻驚  
畏請從官以下勿佩戎器馬吉翔傳旨從之諸從臣  
皆諫曰猛虎所以威百獸者以有爪牙故也奈何自  
棄其防以啟我心不聽是日帝至芒漠緬人執禮甚  
恭并進衣衾食物華亭侯王惟恭謀擁太子還入關

由茶山出崔麗不果

二月初一日帝至水次

緬人艤四舟以待帝一后及太子一司禮監李國泰  
一文侯安馬吉翔一浮水東下即大金沙江其南與  
海接古稱黑水此其一也後官無舟或水或陸聽目  
為計先在騰越送官以下及婦寺教尚四千及至蠻  
漠止一千四百五十餘人至是僅六百四十六人而  
已

十八日帝至井棟駐蹕

因緬人奏宮室未脩故暫憩也

二十日緬酋迎大臣議事

帝遣馬吉翔弟雄飛及鄔昌琦往及至酋亦不見令  
通事傳話所問者皆神宗時事二人未習中朝典故  
竟不能答緬人哂焉最後出神宗特勅書相示其實  
文較今微異以為偽又以黔國公沐天波征南將軍  
印驗之無異遂不言是役也行人不才遂開遠索以  
不恭之漸

三月黔國公沐天波等謀奉帝往就晉王李定國之師  
不果

天波及綏寧伯蒲纓提兵王啟隆等謀奉帝往護撤



益良以就定國馬吉翔不從遂止是月也緬人戕我  
從官以下數百人通政司朱蘊金善承德自縊死自  
定國率殘潰之眾分道入緬焚掠劫殺十里相望緬  
人遂大發兵守隊與官軍忿怒益甚是後官以不從  
陸者不知帝尚在升梗也竟抵緬都之亞哇城緬人  
以為寇至發兵圍之被殺者過半餘安置遠方後竟  
無存焉

四月咸陽侯初三昇帥師迎蹕

三昇上表迎帝緬人請勅止之諫者曰此我君臣出  
險之一時也不聽使丁調鼎及部司楊生芳往以勅

書止之曰朕已航閩將軍善自為計三昇捧勅痛哭  
以為帝真航閩也遂撤師

五月初四日緬人以龍舟鼓樂迎帝次於者梗

亞哇城下有地名者梗即大鵬鵠城舊址也界大金  
沙大盈沙之間地饒而險緬人結草為廬編竹為城  
帝入居之百官咸聚草次

初八日緬人來貢禮儀甚腆

自潰眾四掠百蠻受荼毒之慘然未敢誚人主也三  
昇奉勅撤師之後緬人以帝威令尚行恐一旦移蹕  
孛禍無計故迎帝復奉以為緩急自救之策且潛阻

內外聲聞不通而帝益困矣

八月十五日緬酋曾黔國公沐天波執臣禮以見學士  
士場在行人任國璽疏劾之不報

緬俗八月十五日群蠻贊見首張嘉會以享之至是  
給天波至脅令從緬制白衣椎髻跣足領諸海郡及  
赫茂酋長而拜以夸示遠近天波歸而自首且曰我  
為皇上屈也在等以天波貪生辱國疏劾之留中不  
發

九月緬人進永帝以廩給從官

永曆十四年庚子翠昌王白文選帥師迎蹕次亞哇城不

克而還

文選自大理之敗間道渡隴川潞江踵帝之後以帝  
且入亞哇城矣二月中臨江不知帝之所在還兵南  
甸者久之至是招集流亡有精兵萬餘人是年七月  
復至江許諭緬人假道迎帝不許遂攻之垂克矣緬  
酋懼求勅止之文選不奉詔謂使者曰前者初將軍  
來詔云已航閩若前詔為真則今勅為贗使今勅為  
真則航閩之後何自而來君非臣何以威眾臣非君  
何以使人蠻人不足信也使者曰諾既去不復至緬  
人守益堅文選望鶴鵠城痛哭引兵去

九月帝稚御寶以頒後官之不能舉火者

先是楊武孫宗雅之叛乘輜重散亡殆盡至沙漠  
惟中宮餘金盆銀盃各一又為與失盜逃而庶僚之  
貧者飢寒藍縷鳩鵲不足喻也馬吉翔李國奉以語  
激帝怒擲皇帝之寶令碎之以濟後臣典璽李國用  
叩頭不敢奉詔吉翔國奉竟鑿以分餉馬時吉翔等  
擁貨自贖且縱博酣飲高歌達旦安寢咫尺不顧也  
更值蠻人來市無尊卑少長皆短衣岸幘與蠻婦坐  
地交易襟以謔笑中國紀綱蕩然蠻人視之齒冷矣  
永曆十五年辛二月羣昌王白文選會晉王李定國之

師大敗緬兵於錫波江

先是定國入緬中餘衆不過千許檄調諸將皆以磨  
盤山之敗口實不相附遂引而南至順蒙界外界地  
而食勢實窘迫會慶國公賀九儀以全師自廣南渡  
九龍江赴之積兵萬人攻孟良拔其城池饒魚福諸  
將稍集軍聲復振久之九儀以定國悍戾難近謀欲  
引去事泄定國格殺之并其衆文選先居木邦之南  
甸相去二千里不相聞也迨攻緬兵還以不克為恥  
知定國取孟良并有九儀之衆乃為書誚之貴以大  
義定國遂全師而西會文選於半途相與刑牲歃血

誓必克緬緬人知之拔其豪邊牙鮮邊牙保為大將  
集兵十五萬人過於錫波江上臨戰巨象千餘夾以  
鎗礮陣橫二十里鳴鼓震天大噪而進二王之兵不  
及什一且戎器耗失所操惟長刀手架白楛而已定  
國誓衆橫擊之大敗緬兵僵死萬計殺其將邊牙保  
而邊牙鮮猶收餘衆柵大榕樹林中陰可百里其夕  
鳴鼓竟夜如列陣比曉盡走還無一存者二王遂渡  
錫波江臨大金沙江以襲緬城

四月晉王李定國等迎蹕不果引兵還至亦渺賴山師  
大潰

先是定國等兵臨大金沙江諭緬人假道入覲并責  
其象馬行糧為入邊之計緬人不聽盡燒其江船沿  
江據險設礮以守月餘定國等以糧少氣沮緬中耆  
老曰從此而北至鬼窟山有大芭蕉林伐之作筏可  
渡既渡尚有大居江阻之地饒材木居民數百家燒  
鑛冶鉄舟可立具也定國從之浮蕉為梁汽濟伐材  
設廠造舟焉未幾緬人斷浮橋擾廠所而軍飢疫作  
死亡相繼時軍行皆挈眷以行老幼累心為累不堪  
不得已為還軍之策或曰緬中瘴癘夏秋為甚加以  
千里無烟人何以濟孟良不可得而返矣有地名風

沙擺古者，在西南海上，行月餘可至。其地高涼，其產魚稻，盡往諸定國等。又從之，行至亦渺賴山下。其山亘數百里，發峰一覽，竟見西南大海矣。是夕，文選禪將趙得勝，怒其衆擁文選北還，且曰：王母為賀九儀之續，文選入山，據險自保，教日後定國不得已，引餘兵三千，問道還孟良。其後文選入邊，遂迎降於清師。

五月緬人弒其首弟為緬王

自清兵躡入緬地，其民罹兵火之厄，死者幾半。國人憫其緬曰：王迎帝，故帝未階之為禍者，王也。首曰：我迎帝，不迎賊也。賊禍我，帝不禍我，奈何！是以為怨乎。

於是上下相猜忌，今定國等來攻，首之弟守景，蓋景線引蠻衆五萬人入援，并大出金帛，以犒其衆。諸蠻奮發，凡為戰守，其畧一出于首之弟。國人愛之，遂歸心焉。是月二十三日，縛首置，復與中，投之江，立其弟為王，遣使來告，且索金賀，不報。

六月緬人給大小後臣，盡殺之，并圍行在，漠人多遭其禍。

前年八月，黔國公沐天波，屈拜緬酋。其後外來兵，迎緬人大恐，又扎迎天波，乞詔諭止之。且許資象馬糧糗，相助入邊。而外兵飄忽，銳進速退，是以瘡益輕，我

及二王亦渺賴山之潰。蠶九肆志。然尚未敢為逆也。時清師平西王吳三桂既留鎮其固山。楊坤謀效黔國公世守滇土。以為盤石之計。必入緬取帝以獻。乃可。遂上疏固請嚴檄緬首。令獻帝自効。緬人於是謀殺後官以孤帝勢。使人來曰。賊衆潰矣。緬土安矣。請天朝大臣誼盟以相信也。天波欲辭。馬吉翔李國春曰。蠻人敬鬼重誓。可往也。乃行。日向午。緬人以兵三千圍行在索溪。無少長貴賤皆飲刃而死。有竄入帝所。伏匿者亦搜而殺之。宮中兩貴人及命婦自縊死者相望。伏屍枕藉。良久。緬人護駕官大呼曰。毋得驚

害老皇帝。亂始定。移帝他所。緬僧使其徒來進食。數日。帝乃得濟。是日。赴呪水之會。死者松添王某。黔國公沐天波。文安侯馬吉翔。都督馬雄飛。縵寧伯蒲縵。華亭侯王惟恭。侍郎蔡士廉。楊在。御史任國璽。郎昌琦。部司楊生芳。鄧君詒。學錄潘璜。典簿齊應選。總兵魏豹。王啟隆。內臣李國春等二十四人。其日縊行宮者。吉王慈燿。王妃張氏。宗臣議漆。戚臣王國璽。錦衣衛官趙鳴鑑。王大推等二十三人。嗚呼。行在諸臣。雖賢不肖。間殊其崎嶇。守死則一至。是固為一邱之貉。而帝已為三桂。九上肉矣。緬人何足恨耶。明日

帝驚悸教病。緬人恐帝又不測，無以致辭於三桂，乃  
迅潔行宮，迎帝復入居之。復貢衣被銀布等物。  
十二月初三日，清師平西王吳三桂帥師臨江，緬人執  
帝以獻。三桂既以兵臨緬城，大江緬人奉金盃  
十六枚置饌以迎。即日緬蠻來紹帝曰：李定國兵又  
至矣。馬步軍數萬列江濟，索帝甚急。語未竟，蠻人遂  
昇帝所坐以行。後宮號哭震天。步從五里外，乘舟渡  
河，舟大不及陸。三桂仗將負帝登岸。帝問曰：卿為誰？  
對曰：臣平西王前鋒章京高得捷也。帝默然。  
初九日，清師平西王吳三桂以師擁帝還滇。

帝既還滇，三桂遂以捷聞。


晉王李定國薨

緬自萬曆中絕貢，且據有水邦麓川及八百媳婦之  
地，雄視西南。然與古刺、暹羅兩國為世讐。帝自秦漢  
舟行，從官雲散，有入古刺者，馬九功、江國泰等，有入  
暹羅者，絕愛之，妻以女，如珍之。兄以女為定國次妃。於  
是間道通，慰勸謀，遣兵攻緬。九功等亦為右刺，招列  
潰兵得三千人，亦列書定國相與犄角。兩國之兵將  
發會，三桂執帝旋滇，謀者以告。定國聞之，躡踊號哭，  
自擲於地者百許，不食三日。自表於上帝，以祈死憤。

鬱致病七日而薨暹羅古刺之師失望而返  
永曆十六年<sub>壬午</sub>四月二十五日吳三桂以帛進帝所帝  
遂崩皇太子及皇姪殉之明亡

時在禺中忽大風霾黃霧彌天雷電交作空中有二  
龍蜿蜒而逝滇民無不悲悼焉

是年三桂即晉爵為親王益甲諭萬人移家口於漢  
中羨厥功也其後緬蠻至者云晉王李定國所葬也  
至今春<sub>草</sub>不生蠻人過之輒跪拜而去



文化茂展



